



29 JUN, 2022

50 tuntutan ganti rugi RM3.8 juta

Harian Metro, Malaysia



Page 1 of 2

Oleh Norzamira
Che Noh
am@hmetro.com.my

Shah Alam

Seramai 50 penduduk Taman Sri Muda, Seksyen 25 di sini, memfailkan saman terhadap beberapa pihak atas alasan kecuaiian dan pelanggaran tanggungjawab ketika bencana banjir buruk menimpa mereka pada Disember tahun lalu.

Tuntutan saman itu menamakan Ketua Pengarah Agensi Pengurusan Bencana Negara (Nadma); seorang menteri di Jabatan Perdana Menteri; Menteri Alam Sekitar dan Air, Ketua Pengarah Jabatan Meteorologi Malaysia (MET Malaysia); Jabatan Pengairan dan Saliran (JPS); Majlis Bandaraya Shah Alam (MBSA); KDEB Waste Management Sdn Bhd; **Tenaga Nasional Berhad (TNB)**; kerajaan Selangor dan kerajaan Malaysia sebagai defendan.

Dalam saman difailkan oleh firma guaman Tanes, Khoo & Paulraj di Mahkamah Tinggi Shah Alam minggu lalu, plaintif menuntut ganti

PENDUDUK TAMAN SRI MUDA FAIL SAMAN

50 tuntutan ganti rugi RM3.8 juta

rugi khas RM3.8 juta daripada defendan.

Jumlah berkenaan tidak termasuk ganti rugi am, ganti rugi teruk dan lain-lain kos.

Dalam pernyataan tuntutan, plaintif menyatakan beberapa tuntutan terhadap defendan antaranya deklarasi Nadma gagal melaksanakan pengurusan bencana alam dengan berkesan.

Menurut mereka, MET Malaysia pula gagal mengemaskini secara efektif dan tepat mengenai cuaca semasa yang melanda Taman Sri Muda sehingga mengakibatkan banjir; gagal dalam proses penyediaan laporan, analisis, membuat

keputusan dan pengurusan data untuk memastikan penyaluran maklumat yang cepat dan tepat kepada agensi respons.

MET Malaysia juga gagal memberi amaran kepada plaintif mengenai fenomena cuaca buruk yang membawa kepada banjir itu.

Plaintif berkata, JPS secara salah membenarkan sistem perparitan Taman Sri Muda menjadi terlebih muatan; gagal memastikan pematuhan syarat pengurusan air ribut sebelum memberikan kelulusan untuk projek pembangunan baharu di dalam atau sekitar kawasan itu; dan gagal memperbaiki serta menggan-

tikan pam air yang rosak yang dipasang untuk memintas pintu pasang surut dan menolak air masuk ke dalam sungai Klang.

Menurut plaintif, MBSA gagal memastikan pembinaan saliran yang betul di Taman Sri Muda; gagal mengambil kira pertimbangan perancangan yang sewajarnya termasuk tetapi tidak terhad kepada pertimbangan pengurusan air ribut dan pematuhan serta pertimbangan kapasiti saliran, sebelum meluluskan projek pembangunan dan gagal melaksanakan perlindungan secara proaktif dan bukannya reaktif berhubung Taman Sri Muda.